



Chelbeldio ô nosta salveza

L'ere sant

Desco dôtes les atres porsones, ven ince chi co crei val' iade pûri. Mo Chelbeldio ô nosta salveza, el ô nosta varijun. Cösc ven manifesté tal sacramont dal ere sant.

Le preo unj l'amaré sön la frunt y sön les mans con l'ere y dij: „Tres cösta santa unziun te deidi le Signur te söa gran misericordia, al te stái dlungia con la forza dal Spirit Sant.” L'amaré ne varesc con cösc nia desco por magia, al se deida recordé che Chelbeldio é pa nos te vigne momont y che al sará en iade na vita zonza dolur y plüra. Deache Chelbeldio dij: „I tegni da te”, ven l'amaré consolé y ciafa endô coraji.

Le preo va a ciafé l'amaré desco famei de söa comunité. Cösc dess ti desmostré: „Tü amisc ne te lascia nia su. Ai preia por te y ven a te ciafé.” Ince cösc consoleia l'amaré y ti fej coraji.

Nos düc jun a ciafé i pûri por ch'ai ne se sonti nia susc y ne sii nia dla ria löna. Valiade ne sciafiunse nia da fá ater co daidé tigní fora les dificultês dla maratia y daidé porté la crusc.



Vita de ploania y de paisc

- **Domegna dal orí:** la benedisciun dal belorí gnará tignida jö n plaza dan le paiun. **Düc é bel enviés da gní jö, por jí spo düc deboriada en prozesciun te dljia!**



1 enformaziuns y termins

Curs de preparaziun al maridé: le Sorvisc ai Jogn Val Badia lascia alessei che pal curs de preparaziun al maridé co ven tigní dai 1 ai 3 d'aurí a La lla él ciamó val' posé a desposiziun. Les iscriziuns ven tutes sö cina ai 24 de merz ☎ 0474 523070.

Oraziun da Taizè: la proscima oraziun de Taizè ven tignida en vendres ai 18 de merz ales 20:00 dla capela a Oies. Düc é der bel enviés a tó pert.

Pelegrinaje a Assisi: l'Uniun dles Eres Catoliches (kbf) organiseia dai 5 ai 8 d'aorí n pelegrinaje a Assisi, acompagnades da sig. Luis Gurndin, sot al tema: „Sciöche Dî a me, insciö iö a te”. Deache al é ciamó val' posé ledi, él da s'anunzié da atira pa la Katholische Frauenbewegung a Balsan ☎ 0471 972397.

Raiun sozio-sanitar: te Raiun sozio-sanitar él na “Portina por l'assistenza y la cura”, olá che an pó ciafé enformaziun por döt ci co reverda l'assistenza y la cura de familiars y porsones co á debojügn de goern, por l'assistenza a ciasa, por la Ciasa de Palsa, por l'assistenza infermieristica a ciasa: lönesc, dedemesledema y vendres dales 14:00 ales 16:00, dedolönesc y jöbia dales 10:00 ales 12:00, ☎ 0474 586137.

Döt le bun a:

Jep Trebo	* 16.03.1933
Maria Rigo Bergmeister, <i>Weidental</i>	* 17.03.1932
Maria Vittoria Ellemunter Schenk, <i>Santa Cristina</i>	* 18.03.1932
Jep Rovara	* 19.03.1935

y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MHz



VAL BADIA
www.unitepastorala.org

Ann C

13.03.2016 - Cuinta domegna de Carsema

n. 16

Val daldöt de nö

📖 Is 43, 16–21 | Fil 3, 8–14 | Jan 8, 8–11

Dal Vangelo do San Jan:

[...] Ai l'á motüda amez ⁴y ti á dit a d'el: Maester, cösta era é gnüda abinada söl fat ch'ara rumpia le matrimone. ⁵Mosé nes á scrit dant tla lege che de te' eres é da spedré. Sen, ci nen díjeste pa tö? [...] Gejú endere s'á cüfé jö y s'á motü a scrí con le deit ia por tera. ⁷Canch'ai sighthá da le damané ennant, él loé sö y ti á dit: Chel de os co é zonza picé dess por pröm sciüré na pera cuntra d'era. ⁸Al s'á endô cüfé jö y sciea ennant ia por tera. ⁹Do ch'ai á albü aldí söa resposta, s'an éσαι jüs önn endolater, danfora i plü vedli. Gejú é romagnü endô su con l'era co ea ciamó danló amez. ¹⁰Al é loé sö y ti á dit a d'era: Era, olá éσαι pa? Ne t'á condané degügn? ¹¹Ara á respognü: Degügn, Signur. Danló ti á dit Gejú: Gnanca iu ne te condaneii. Va, y da sen ennant no plü fá picé!

I ponsun do

La comunité de dljia y cristiagn co se porta ete por la fede sont gonot le contrast danter ideal y realté. Sc'i se dun da fá por la realisaziun dal ideal cristian anse, ples domandes fondamentales, gonot pora da nia ester umans; sce i sun endere massa "porsones" ne sunse nia bogh da corespogne ala santité de Dio. Gejú endere é bun da alzé fora tla medema mosöra la santité y la bunté de Dio. So comportamont é conform ala santité, y al corespogn tal medemo tomp ince a so amur zonza fin. Da Gejú messunse emparé l'ert da lié adöm la sensibilité por la porsona y la fedelté ai prinziips dla fede.

I periu

Dio misericordius, tö se das entres endô l'ocajiu da meterman da nö. Scinchesse la forza da dé ennant to pordonn. Por Crist nosc Signur.

Wilhelm Egger "Sonntagsbibel"



📖 Letöres dla Domegna dal orí | Festa dal ingres de Gejú a lerúsalem:
Lc 19, 28–40 | Is 50, 4–7 | Fil 2, 6–11 | Lc 22, 14 – 23, 56

Edema liturgica dai 13.03. ai 20.03.2016

DOM 13.	Cuinta domegna de Carsema, de Pasciun	<i>ludith, Paulina, Leander, Gerald</i>
08:30	gran messa por dōta la ploania	<i>oferta por i debojūgns dla ploania</i>
▶ 19:30 10 y 18	“Via Crucis dla Misericordia” por dōt la comunité	<i>s.m. a Al Plan</i>
Lön 14.	de d’oraziun te familia	<i>Metilde, Konrad, Gottfried K.</i>
Ded 15.		<i>Klemens Maria Hofbauer, Loise, Zacharias</i>
07:30	s.m. d’aniversar por + Genoveffa Ellemunter ved. Rigo, Matlogn	
	s.m. d’aniversar por + Teodolinda Promberger Trebo, Bolser y por + Lois Valentin, Al Plan	
Dem 16.		<i>Heribert da Köln, Hilarius</i>
16:00	al ven dit Les Staziuns te dlijia da Pliscia	
▶ 19:30	preparaziun y pissia da Pasca por l’Uniun dles Eres	
	s.m. con Comuniun da Pasca	
Jöb 17.		<i>Gertrud, Patrick</i>
▶ 19:30	preparaziun y pissia da Pasca por l’Uniun dai Ei	
	s.m. con Comuniun da Pasca	
Ven 18.		<i>Ziril da Ierúsalem, Eduard, Anselmo – astinonza dla cern</i>
19:30	funziun con Les Staziuns	
Sab 19.	GRAN FESTA DE SANT’OJEP , om de Santa Maria, festa dai peri	
18:00	<i>s.m. prefestia a Al Plan</i>	
19:30	s.m. ciantada en onú de Sant’Ojep do intenziun dai omi y peri	
	s.m. por fam. Giovanni y Maria Complojer, Lex	
	s.m. por fam. Trebo, Craizer	<i>♪ grup dal cor</i>
DOM 20.	FESTA DAL INGRES DE GEJÚ A IERÚSALEM, Domegna dal orí	<i>Wolfram, Claudia, Irmgard</i>
▶ 08:15 10 y 18	benedisciun dal belorí jō dal paiun, prozesciun te dlijia, gran messa por dōta la ploania con la Pasciun do San Lūca	
<i>ampola:</i>	por fam. Eduard y Maria Ellecosta, Longega	
<i>ministronc:</i>	▶ da doman y domegna: Rafael Ellecosta y Cecilia Ellecosta ▶ da sera y domegna: Paul Comploi y Armin Elliscases	
<i>i recordun:</i>	Genoveffa Ellemunter ved. Rigo + 16.03.2011 Teodolinda Promberger Trebo + 19.03.2007	

Iubileo Straordinar dla Misericordia: 8.12.2015 – 20.11.2016 (4)



“La misericordia é na la carateristica de Chelbeldio y dandadöt con cōsta mostrel sōa onipotenza”. Les parores de san Tomesc d’Aquino nes dij che la misericordia divina n’è daldöt nia en segn de debleza, mo plütosc la particolarité dl’onipotenza de Chelbeldio. Avisa porchel periunse te òna dles oraziuns plü vedles dla liturgia: “Gran Idio, tō manifesteies tōa potenza dantadöt tla misericordia y tal pordonn.” Tla storia dl’umanità sará Chelbeldio dagnora chel co é present, dampró, provident, sant y misericordius.

I dui agetifs “paziont y misericordius” ven dant der gonot tal Vedl Testamont por descrí la natōra de Dio. Sōa misericordia se mostra concretamonter te trec avenimonc dla storia dla salveza, olá che sōa bunté é plü grana co le castigo y la destruziun.

Dandadöt i salms nes mostra sō cōsta grandeza tal operé de Dio: „El co te pordona vigne colpa, y te varesc da dōtes les maraties, el co salva tōa vita dala roina, y te coroneia con tlemenza y misericordia.“ (103,3-4)

Te na maniera ciamó plü tlera ven fora te en n’ater salm i segns concrec dla misericordia: “Al ti fej avarei le dert ai sotmotüs, ai arfamés le pan ti dál, i sarés ia fêjel ledí. Le Signur ti daür ai verc i edli, al deida sō chi co toma. Le Signur, dai foresc al ciara y deida pa so dert i órfanns y les vedoes. Le Signur ti ô bun a chi co vir do iustizia, mo i vari dai malfaturs engiánel.” (146,7-9)

Y en n’ultima d’atres espresciuns dal salmist: “Al varesc i cōrs frūziés, y enfasceia les plaies doiozes. Le Signur deida sō le püre, al engrōma le rio por tera ia.” (147,3.6)

I odun che la misericordia de Chelbeldio n’è nia na idea astrata mo na realté concreta con chera che al reveleia so amur, co é desco chel de en pere y na oma por n so mōt. Al é veramonter n amur apacioné, en sentiment co ven dal plü sot dal cōr, caraterisé da afet y compasciun, pazionza y pordonn.

Papa Francesco “*Misericordiæ vultus*”

Salm 103 (102)

Lalda le Signur, mia anima, * y dōt te me dess benedí so ennom sant y l’esalteies!
Lalda le Signur, mia anima, * y no te desmoncé dōt ci ch’al t’á fat de ben te sōes opres:
el co te pordona vigne colpa, * y te varesc da dōtes les maraties,
el co salva tōa vita dala roina * y te coroneia con tlemenza y misericordia.
Le Signur compless opres de salveza, * a dūc i sotmetüs ti la fejel avarei.
A Mosé ti ál revelé sū trus, * ai mituns de Ísrael sōes opres.
Le Signur é bun y paziont, * saurí y plen de tlemenza.
Nia do nūsc picés ne se tratel, * nia do nosta colpa ne s’la retel.

Hi. Josef – Der Mann, der dient



„Josef – er ist der Mann am Rande, im Schatten. Der Mann der schweigenden Hilfe. Der Mann, in dessen Leben Gott dauernd eingreift mit neuen Weisungen und Sendungen. Immer neue Weisungen und neue Sendungen, neuer Aufbruch und neue Ausfahrt ... Er ist der Mann, der ging. Das ist sein Gesetz: der dienstwillige Gehorsam. Er ist der Mann, der dient. Dass ein Wort Gottes bindet und sendet, ist ihm selbstverständlich. Die dienstwillige Bereitschaft, das ist sein Geheimnis.“ A. Delp